



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

LXX. De vigilantia & sollicitudine curande salutis.

**urn:nbn:de:hbz:466:1-39254**

siquidem, id est, memoria & voluntate non ita est intolerabile, si vel memoria recipiat quandoque vagam cogitationem, vel voluntas impuram affectionem. Hoc vero gravissimum est & omnino damnosum, si unquam ratio perdiderit intentionis rectitudinem.

## S E R M O L X I X.

De triplici renovatione triplicis vetustatis.

**S**icut portavimus imaginem terreni hominis, portemus & imaginem cœlestis <sup>a.</sup> <sup>a 1. Cor. 5. f.\*</sup> Duo homines sunt, vetus & novus. Adam vetus, Christus novus. Ille terrenus, iste cœlestis: illius imago vetustas, istius imago novitas. Est autem triplex vetustas, & econtrario, triplex novitas. Est enim vetustas in <sup>Triplex vetu-</sup> corde, in ore, in corpore: in quibus tribus modis peccavimus, cogitatio- <sup>stas.</sup> ne, locutione & opere. In corde sunt desideria carnalia & secularia, id est, amor carnis, & amor seculi. Similiter in ore est gemina vetustas, arrogatio & derogatio. Item gemina in corpore flagitia & facinora. Hæc omnia sunt imago veteris hominis, & hæc omnia renovanda sunt in nobis. Si non esset vetustas in corde, non diceret Apostolus <sup>b.</sup> <sup>b Eph. 4. f</sup> Renovamini spiritu mentis vestra, & induite novum hominem, qui secundum DEV' M creatus est in justitia & sanctitate veritatis. Item si non esset vetustas in ore, non diceret Scriptura <sup>c.</sup> <sup>c 1. Reg. 2. a</sup> Recedant vetera de ore vestro. Et Apostolus dicit <sup>d.</sup> <sup>d Eph. 4. f</sup> Omnis sermo malus non procedat de ore vestro, sed qui bonus est, ad ædificationem fidei, ut dei gratiam audiuntibus. Sed & de vetustate corporis mentionem facit, cum dicit <sup>e.</sup> <sup>e Rom. 6. d</sup> Sicut exhibuisti membra vestra servire immunditia & iniquitati ad iniquitatem. De cuius renovatione etiam subjungit: Ita nunc exhibete membra vestra servire justitiae in sanctificationem.

Renovetur ergo cor nostrum à carnalibus & secularibus desideriis: ut exclusis illis introducatur amor Dei, & amor patriæ cœlestis. Recedant ab ore nostro arrogantia & derogatio, & succedant pro his vera peccatorum nostrorum confessio, & bona de proximis æstimatio. Pro flagitiis & facinoribus, quæ vetustas est corporis, assumatur continentia & innocentia, ut scilicet contrariis virtutibus contraria virtus depellantur. Hanc supradictam renovationem facit Christus habitans in nobis per fidem, sicut ipse ait <sup>f.</sup> <sup>f Esa. 44. c</sup> Ecce nova facio omnia. Unde & ad sponsam loquitur in Canticis <sup>g.</sup> <sup>g Cant. 8. b</sup> Pone me ut signaculum super cor tuum, ut signaculum super brachium tuum. Habitans igitur in corde est sapientia, habitans in ore veritas, habitans in corpore justitia.

## S E R M O L X X.

De vigilantia & sollicitudine curandæ salutis.

**S**peculum sancti sumus mundo, & Angelis & hominibus <sup>a.</sup> <sup>a 1. Cor 4. k</sup> Ita \*<sup>a</sup> plane  
XXX 3.

*Et boni & mali  
Angeli in nos  
intendunt.  
Et nos ipsi in a-  
lios, nostri im-  
memores.*

*b Psal. 141. b  
c Psal. 18. m  
Desidia nostra  
in negotio salu-  
ti perstringi-  
tur.*

*a Psal. 36. c  
b Gen. 42. &  
43. a  
c Exod. 1. c*

*Israelite causa  
famis in Aegy-  
ptum profecti  
tibique postea op-  
pressi, quid tro-  
pologice.*

*d Iohann. 1. a  
e Psal. 18. b*

*f Ephes. 5. b*

plane, & malis & bonis pariter. Illos enim sollicitat invidiae passio, istos compassio misericordiae, ut in nos incessanter intendant, illi quidem desecrum nostrum, isti profectum desiderantes. Nimirum in probatione sumus, inter paradisum & infernum interim medii, velut inter claustrum & seculum constituti. Diligenter consideratur utrinque quid agimus, utrumque dicitur, ô si ad nos transeat: intentione quidem dissimili, sed non dispari forsitan voluntate. Quod si ita omnium oculi in nos: nostri quo abierunt, aut quare soli ipsi recesserunt à nobis? A dextris siquidem & à sinistris tanto studio circumspecti, soli dissimulamus intpicere vitam nostram: soli nosmetipos negligimus intueri, nec verentes deceptorios, nec administratorios saltem spiritus reverentes: *Me expectant justi, donec retribuas mibi b.* Et item. *Me expectaverunt peccatores ut perderent me.* Hinc mihi gehenna, inde corona paratur: & inter hanc atque illam medium nūgari libet, oscitari delectat? Uisque adeo nec trahor desiderio, nec periculo terror, nec cupidus plane nec pavidus, in quibus magis fuerat necessarium; perniciolissime insensibilis ad utrumque. Exurgamus aliquando, Fratres, nec in vano accipiamus animas nostras, pro quibus alii tanto zelo, vel in bonum vigilant, vel in malum. Non est res parva quam sic insectantur hostes, cives sic præstolantur.

## S E R M O LXXI.

**I**negra & perfecta moralitas in duobus præcipue consistit, in evitandis vitiis, & appetendis virtutibus: quoniam non sufficit à malo abstineere, si non & bonum faciamus. Inde Psalmista <sup>a</sup>: *Declina à malo, & fac bonum.* Fugiamus ergo vicia, amplectamur virtutes. Historias igitur summam delibantes, moralitatis fructus decerpamus. Fames coagit Israel intrare in Aegyptum <sup>b</sup>: statim reperit ibi novum Dominum, & de libero servus efficitur. Ex illius regionis inhabitatione redigitur sub potestate Pharaonis: qui masculos præcepit interfici, foeminas reservari <sup>c</sup>. Israel operibus luti & lateris duriter affigitur. Pharaon paleas ministrat laborantibus. Fames coagit.

Non fames panis, neque sitis aquæ, sed audiendi verbum Dei, compellit multos intrare Aegyptum: Hoc verbum Dei est lux vera, quæ illuminat omnem hominem venientem in hunc mundum <sup>d</sup>. Unde Psalmista <sup>e</sup>: *Præceptum Domini lucidum, illuminans oculos.* Qui hanc lucem sequitur, non ambulat in tenebris, sed habet lumen vitae. De luce præceptorum transitur ad lumen præmiorum. Qui hujus divini verbi patitur egestatem, cogitur intrare Aegyptum, id est, tenebras. Involvitur enim tenebris ignorantie, & subjacet dominio Pharaonis, id est, diaboli, qui princeps est Aegypti, hoc est tenebrarum, juxta illud Apostoli <sup>f</sup>: *Non est nobis collectatio aduersus car-*